

DIATRIBE MEDICA

exhibens

ÆGRVM MEMORIA DEBILITATE LABORANTEM,

QUAM

SUB PRÆSIDIO

GEORGII WOLFFGANG WEDELII,

Medic. Doct. Comit̃s Palatini Cæsarei,

Theoretices Professoris Ordinarii, Consiliarit̃ ac Ar-
chiat̃i Ducalis Saxonici,

*Præceptoris, Patroni ac Promotoris
studiorum suorum venerandi,*

In Auditorio Medico,

Horis consuetis,

publica disquisitioni Philiatrorum submittit

IOHANNES GEORGIVS MALEY

NIDERVVOÏLSTATT. VVETTERAVVS.

Ad diem Ianuar. Anno M DC XCVI.

J E N Æ,

TYPIS IOHANNIS IACOBI KREBSII.



PRÆFAMEN.

Non sine ratione *Tullius* memoriam rerum omnium thesaurum & partem animi, quæ custos est coeterarum ingenii partium, appellat, adeoque veluti basin & fundamentum omnis eloquii.

Absque hac si foret, nec cogitare posset homo, nec deliberare, quid ex usu sit, maxime vero omnium ne loqui quidem, quo maxime differt à brutis.

Fluunt idæ & undulant ex obiectis emanantes in cerebro, nec diffluunt tamen, mirando artificio organi. Sistuntur velut in speculo, neque obuiant tamen promiscue; Latere videntur, ast quando exigas, præsto sunt, & sistunt se priori vultu.

Nulli vero homini magis confert pars hæc prudentiæ, quam literatis, qui & subtilius versant omnia, & circa eadem philosophantur. Utque maximum est memoriæ beneficium, ita & conseruandum merito, eoque vtendum; sin secus fiat, instar privilegiorum, non vtendo amittitur.

Cumque & vacillet non raro & euocari arte posset, vel roborari & conseruari quoque, non minimum confert ars seruandorum hominum. Quare & nos in præsentī casu huius curam suscipere voluimus, Deum O. M. precati, vt omnia feliciter eueniant.

HISTORIA.

Iuuenis viginti annorum, temperamenti frigidi & humidi, in cuius themate natalitio Mercurius in tauro læsus fuerat a Saturno, capitis magni, vini & cereuisiæ lolio grauidæ potu sæpius ad ebrietatem delectatus, caparum alliique esui adsuetus, somno perquam indulgens, venere item lasciuiori vtens; Cum olim ab alto in caput procidisset, postmodum studiis operam nauasset, denegatam sibi memorandi promptitudinem assiduitate studiorum nimia compensare voluit, sed parum adhuc profecit. Prompte quidem sic satis addiscit proposita, sed facillime iterum obliuiscitur: sensus pigros habet, nihil altum ac sublime spirat, catarrhis sæpius torquetur, capilli plani, albicantes sunt, tinnitus aurium per vices affligit. Petit Consilium.

RESOLVTIO.

Plura sunt symptomata, quæ combinata ægrum vexant, v. g. memoriæ debilitas seu imminutio, catarrhi, tinnitus aurium. Catarrhi ad excretorum classem spectant, tinnitus aurium ad qualitatem mutatam pertinet, memoria imminuta, potissimam absoluens paginam, in læsa actione facultatis animalis, quoad idearum conditorium & calaturam quasi, consistit.

Est itaque symptoma actionum læsarum non abolitarum, non enim ceu lethæo poculo hausto omnium ignarus est; nec deprauatarum,

tarum, memoria enim deprauari nequit, sed imminutarum, quia eo modo, ut naturaliter requirebatur, obiecta haud apprehendit. Dicitur alias maiori gradu *obliuio*, ab oblinendo, quod in cerebro dissitæ imagines non firmiter infiguntur, sed oblinuntur & oblitterantur rursus.

Adesse vero hanc memoriæ imbecillitatem, non opus est, ut e consuetis signorum fontibus eruamus, cum ipse agrotus id patefaciat, conquerens, se parum, tarde, & difficulter, meminisse præteritorum, & obiecta licet initio apprehendat opinione sua feliciter, statim tamen eadem excidere.

SUBIECTVM ADÆQUATVM est caput, functionum animalium promus condus, sensuumque ministrantium fons, quippe nihil est in intellectu vel memoria, quod non antea fuerit in sensu, vel phantasia. PRINCIPALE quodnam sit, disquisitionem meretur. Arabes enim præcipue & alii veteres, quibus & recentiores nonnulli adstipulantur, certis sedibus facultates in cerebro discriminant. Phantasiam seu imaginationem in fronte vel syncipite locant: iudicium medio loco circa temporum clima ponunt: memoriam vero in occipitio, seu parte cerebri postica. Ratio adiungitur hæc, non quasi hæ facultates ita inclusæ sint sedibus, ut non toti cerebro omnes insint, sed quia posterior cerebri pars durior sit, proinde aptior memoriæ, cuius officium est retinere, iam vero diutius retineri, quæ inscripta sunt rebus duriusculis. Anticam vero partem molliorem conuenire magis phantasie, mediam mediocris consistentiæ sensui communi, vel ipsi intellectui. Deinde manifesto argumento illud euincere conantur, quod eo in loco percussos omnium rerum cepit obliuio. Nos tamen cum spirituum merito potissimum exerceatur memoria, hi vero in tota cerebri capacitate resideant, cerebrum totum pro subiecto primario habemus.

Hoc cum duplici modo affici possit, vel *ἰδιοπαθικῶς*, vel *ἀλλοπαθικῶς*, videtur in nostro casu priori modo pati, per *γένησιν καὶ ἀλάττειν* peculiarem, recipiendis speciebus minus ido-

neam. Neque enim adest affectus, quem consequi queat symptoma hocce.

CAUSA IMMEDIATA est spirituum animalium seu penuria quædam, seu mala dispositio, eaque specifica, quoad idearum ex obiectis obuersantibus occurrentium faciliorem ob-
literationem, seu denegatam receptionem magis radicatam. Cum enim in statu secundum naturam portitores hi omnia exequantur, quæcunque rationis imperium in ipsos statuit, vtrique & præter naturam, si non omnia fiant debite, in culpa erunt. Apti enim nati sunt, vt inter alia munia idearum reliquias asseruent, neque, quod in prouerbio est, velut aquæ inscribantur vel cineribus eadem, etiam sacris testibus *Hiob. 13. v. 12.* sed remaneant picturæ & simulacra, alluione quadam affixæ crebriori, ruminatione digestæ, & velut in loculos repositæ.

CAUSA MEDIATA PROXIMIOR, κατὰ τὴν φύσιν spectata, sunt humores **PITUITOSI** excrementitii in cerebro collecti, spiritusque animales obtundentes, seu lymphæ vehiculum minus pelucidum, speculari, si ita loqui licet, & mobile, sed in reuoluendo occupatis ob lentorem quendam minus velificans.

Helmontius cum a liene deducat ideas cerebri, forsan archæum splenis, vel acorem corruptum accusabit. Iuxta *Cartesium* figuræ exorbitantes in poris medullofis cerebri vitium patiuntur, sicuti hanc præ alia figuram receptiuitati commodam magis videmus. Κατὰ τὴν τῆς φύσεως Μετέωρον seu *modum essendi* considerata *pituita*, ratione *quantitatis* copiosa est. Cerebrum quidem per se respectiue frigidiori & humidiori gaudet temperamento; illud tamen tale solum est, vt spiritus vitales attemperet. Quando vero recedit hoc a statu naturali, & glaciali quasi visco sopiuntur spiritus, ne vegeti opus suum exerceant, necesse est & memoriam labasci. Obrutum mole hac cerebrum seu oppletum testantur catarrhi, confirmat tinnitus aurium, somnolentia & alia.

Qualitate delinquit actiua frigida. Frigida capiti sunt inimica. Frigida ignem animale spirituum conturbant. Passiva humiditas obliuionis est mater, veluti contra ea in seccho habi-

habitare memoria statuitur. In humido cerebro multi spiritus commeantes se tanquam circuli in aqua secant, uti loquitur *Scaliger Exercit. 307. t. 28.* Mollities hinc orta nimia diffluere facit spiritus, fluxamque præbet memoriam.

Quoad motum generationis, generata fuit pituita ab in-temperie cerebri frigida per *συναρροισμὸν collectionem*, motum puta minus vegetum, per poros debitos eluctantem, & *σὺν sedem* firmam elegit sibi.

Mala conformatio & naturalis, de qua iam, & *asciti-
sia*, a casu ab alto & collisione capitis confudit spiritus, poros obstruxit, saltem ut minus diducti sint tubuli radiantes lucidi, & totam œconomiam cerebri turbavit. Errores externi in rebus non naturalibus longum his subministrarunt fomitem. Nullum est dubium, quin ventriculus male ab ingurgitatione potus habitus materiam etiam huc amandet.

Causæ *MEDIATE REMOTIORES αφορμὴν* præben-tes variæ se sistunt. Inter *NATURALES* emicat *TEMPERAMENTVM* frigidum & humidum. Frigiditas condensat, & partem ineptam reddit ad receptionem phantasmatum. Hu- miditas ut facilem receptionem, ita facilem amissionem con- fert.

CAPVT MAGNVM & cerebri nimis magnam molem memoriam debilem dare, experientia testatur. In capite quipo- pe nimis magno dissipati sunt spiritus animales, nec tam prom- pti ad actiones.

Ex *NON NATURALIBVS* *AER*, siderum influxu ala- teratus, concurrit. Spirituum dispositor ξ ius in γ (in quo signo maxime iuxta Astrologos affligitur) a Saturno frigido Planes- ta læsus memoriam debilem præstat.

Vini & cerevisiæ ad ebrietatem *POTVS*, voluntaria in- sania, ut a bestiis nihil differre facit hominem, ita & brutum ingenium foenerat. Ebrietas unius horæ hilarem insaniam longi temporis tædio pensat. Præmium summum, *Plinio* dictatore *l. 14. c. 22.* ebrietatis rerum omnium obliuio morsque memoria. Con- suetudine enim insanix durata vitia, vino concepta, etiam sine illo valent.

Lolium narcotica sua vi accedens duplici incommodo mactat cerebrum, caput dolore & labore perfundit, sensusque omnes obnubilat. *Caparum* aliisque esus crebrior crudis vaporibus arcem intellectus replet, halituque foedo spiritus inficit.

SOMNI indulgentia torpidos reddit & inutiles meditationibus animos. Somnus multus, *Platone l. 7. de leg.* teste, neque corporibus neque animis nostris, sed nec actionibus vtrorumque conuenit per naturam. Nam qui dormit, nullius pretii rei que est, haud magis quam si non viuat.

Quid de VENERE dicemus? O pestem ingenii! O venenum memoriae! Effoeminatur inde corpus, & quod reliquum superest de igniculo Promethei suffocatur & eripitur. Hæc a *Marsilio Ficino* inter præcipuos studiosorum hostes numeratur.

Ad assiduam studiorum se cogens æger tantum abest ut memoriam adauxerit, ut potius maiorem labem sibi conciliauerit. Verum est, ignauia, quando memoria exercetur remissius quam par est, non secus ac scintillas sub cineribus, nisi quis eas ventilet, calorem natium suffocari. At pariter nimium & intempestiuum præpostera ingenii occupatione nocet studium. Arcus nimium intensus rumpitur, ait *Seneca*, nimis laxus telum non vibrat; ita & memoria se habet, quale exemplum præter alia obseruata iamdudum notauit *Galenus l. 3. de loc. affect. c. 5.* Disiuncti hoc modo fuerunt actus intellectus per nimium negotiosos labores.

PRÆTERNATURALITER casus ab alto valde concutiens cerebrum, non aliter ac per terræ motum integra ædificia sternuntur humi, dissipauit spiritus, materia repleuit caput, unionem soluit, poros inuicem collisit, uti cerebrum ex præalto recto lapso concussum in quodam propriæ matris & consanguineorum attulit obliuionem, annotante *Plinio l. 7. N. H. c. 24.*

Ab his causis generatus affectus sequentibus supatur *Φαυρομένοις*, quorum iam ratio reddenda venit.

I. Prompte quidem sic satis addiscit proposita, sed facillime iterum obliuiscitur, quia quæ humida sunt, facile patiuntur

tur sibi imprimi lituram, sed quæ iterum ocysus obliteratur. Eadem mechanica hinc concipi potest quoque, hos tales, ob humidi quod habent copiam, habere fluidam cerebri substantiam, ac minime quasi consistentem; cuius ratione figuræ impressæ facile ipsis effluunt, quemadmodum & ei contingit, vt diximus, qui in aqua signi aliquid imprimere velit.

2. *Sensus pigros habet, nihil altum ac sublime spirat,* ob ignem animale debilem, ac spiritus quantitate deficientes, dispersos & interruptos, vti videmus leues hinc inde diiunctas scintillas non fastigiatas in pyramidem cœlum affectare.

3. *Catarrhis sæpius torquetur,* ab excrementorum enim copia elater cerebri ad ea, quæ sibi molesta sunt, expellendum irritatur.

4. *Capilli plani, albicantes sunt,* ob abundantiam lymphæ prædominantis, & calorem debiliorem.

5. *Tinnitus aurium per vices affligit.* Ab humoribus enim frigidis debilitato calore, ex minera quasi quadam consurgunt flatus, qui remissi humoribus & spiritibus aurium tympanum cursu interrupto & inæquali pulsando, sonum citantes intra aures se produnt.

Circa ΠΡΟΛΕΞΙΝ, de euentu quidnam sperandum, iam dicendum venit. Lethale malum esse per se obliuionem nemo facile dixerit, ex accidenti tamen, superueniente v. g. apoplexia ad mortem tendere potest. Vires in nostro ægro fortes, ætas iuuenilis & alia bene ominari iubent. Curabile malum prælagimus, modo recte se gerat ægrotus, cum in frigida & humida intemperie, memoriam debilem causante, maxime, remediorum occasio versetur.

De LONGITVDINE tamen est quod metuamus. Non unius diei labor erit, irrequieta & assidua medicamentorum opus est machina, victu quoque commodo accedente. MODVM EVENTVS designamus frigidæ temperaturæ, spirituumque dispositionis p. n. omnis, correctionem, roborato calore tentandam & perficiendam.

CURATIO absoluetur **METHODO** **MEDENDI**, & exinde depromptis indicationibus vſitatis, quibus ſatisfit e triplici noto fonte.

INDICATIO CURATORIA rem p. n. auferendam iubet, adeoque respicit intemperiem cerebri frigidam & humidam, spirituum conditorio intimiori contrariam, alterandam, iuxta gradus declinationis a ſtatu naturali. **PRÆSERVATORIA**, cauſis debita, euacuantibus phlegmagogis, cacochymiam auferentibus, fomitem vndiquaque tollendum innuit. **VITALIS** spirituum & virium rationem habet inſtaurantibus, ſerenantibus & roborantibus.

Ex **CHIRURGIA** itaque an depromi debeat venæſectio, dubitari poteſt. Spiritus noſtro ægro copioſi deſunt, intemperies frigida & humida adeſt, vno verbo plethora abeſt, & magnus morbus non vrget. Conſultius itaque ab ea abſtinebimus, niſi forte ob ingluuiem molem ſanguinis vitioſis ſuccis adauſtam inſtante vere ad vnam alteramque vnciam deplere ſit animus. Tunc temporis enim, cum microcosmus cum macrocosmo innouari totus videatur, aptiſſima erit occaſio, ſubeundi medicinarum conſilium.

CYCVRBITVLÆ ſcarificatæ ex venis & arteriis ſanguinem ſimul euacuando commodius in vſum trahi queunt, quamuis vulgo, vltra quam par eſt, & huic præſidio ſoleant indulgere.

VESICANTIA & FONTICVLI, vt attenuatis & alleſtis humoribus exitus adparetur, pro re nata, commode inſtitui queunt. Apponantur pone aures **Cantharides** ſequenti modo impaſtatæ:

℞ *gumm. *ci* ʒ℞. *cantharid. ppt.* ʒij.

ſem. amm. ʒ℞. ʒ. *euphorb. cer.* ʒ. *tereb. q* ℞. *M. F. Magdaleon.*

Inſenſibiliter vacuantes materiæ chirurgicæ mirum quantum robris addunt, vigoremque ſeruant memoriæ, v. g. **FRICTIONES**, & maxime **PECTINATIONES**. Per has enim pori capitis aperiantur, tranſpiratu vapido collectæ ſordes tenuiores ad ſuperiora alliciuntur ac diſſipantur, ſpiritus temperan-

tur subtilioresque fiunt, Pectinatio seorsim hoc modo sensuum instrumenta & corporis reliqui corroborat, visionem acuit, & cogitationem reddit meliorem, adeoque ob id ipsum cordi habenda est, sine & cum pulueribus cypriis instituenda. Hinc memoriam vegetari & conseruari non incongrue statuitur, si & pectinationibus & lotionibus matutinis assidue excitetur virtus vitalis, & recrementa halitiosa separentur.

E PHARMACIA mutuabimur validiora in auxilium remedia, quibus & desperatam humorum pertinaciam infringere, & præsidium cerebro mittere poterimus. LENIATUR alius leuiter stimulantibus & laxantibus, non fastiditis clysteribus, quos *Sennertus in Pract. med. l. i. p. i. c. s.* in morbis capitis omittendos nunquam recte iudicat.

Initio itaque veris lenientium horum vsum auspicato celebrare potest; v. g. assumat per triduum Electuarium:

℞ elect. lenit. diacartham. a. ℥℔.
 fecul. peon. ℥℔. sirup. cinam. q. s. M. F. l. a. Bolus.
 D. in chart. S. Lindblislein.

℞ rad. cichor. ℥℔. herb. meliss. m℔. fol. sen. s. s. ℥iij.
 agar. albiss. mechoac. alb. a. ℥j.

fl. stæch. arab. anth. a. pij. cardam. cubeb. a. ℥℔.
 Inf. in s. q. ▽ meliss. & salv. per p.

Colat. ℥vj. add. sirup. peon. meliss. a. ℥iij.
 M. S. Lindtrāncklein.

Si clyster præscribendus fuerit, potest esse talis:

℞ rad. peon. belen. alth. a. ℥℔. herb. beton. salu. malu. alth. a. m℔.
 fl. lauendul. chamomill. Roman. sambuc. a. pij.

sem. anis. fœnicul. cartham. a. ℥j. Coq. in s. q. ▽ s.

Colat. ℞. ℔j. elect. hier. Logad. o. rut. a. ℥℔.

succ. mercurial. ℥iij. ☉ gemm. ℔j. vitell. ou. nj.

M. F. l. a. Clyster.

Lenitis hoc modo viis cacochymia pituitosa, & capiti molesta & massæ sanguineæ domestica, præparetur ad euacuationem debitam, si ea opus fuerit.

DIATRIBE MEDICA

Rx. ∇ *salu. lauend.* a. \mathfrak{z} j. *oxymel. squil.* \mathfrak{z} ß.
sirup. de stoeckad. \mathfrak{z} ij. *elix. cephal.* \mathfrak{z} j.
 \sim Θ l. *ceph.* gtt. vj. M.F. haustus. S. Hauptträncklein.

Rx. *rad. trifol. fibr. paon.* a. \mathfrak{z} ß. *galang. min.* \mathfrak{z} ijj.
fol. meliss. mjj. *salu. beton. byssop.* a. mß.
fl. anth. lauend. a. pij. *cubeb. cardam.* a. \mathfrak{z} j.
lign. sassaf. aloes, *cinamom.* a. \mathfrak{z} ß.
 Coq. in vin. & aq. part. anatic. q. s. in MB.

Rx. *Colat.* lbj. \sim *lil. conuall. meliss.* a. \mathfrak{z} j.
sirup. gran. kerm. paon. a. \mathfrak{z} ß.
aromatiz. spec. diamb. \mathfrak{z} ß. S. Alterirender Haupttrancf.

Rx. *Ræ* \mathfrak{z} is *helleb.* \mathfrak{z} ß \sim Θ * \mathfrak{z} j. M.D. in vitro S.
 Blutreinigende Tinctur.

PURGANTIA proprie dicta quod præparatum est e-
 ducunt, debito cum regimine administranda.

Rx. *MP. de bier. c. agar. extr. agar.* a. \mathfrak{z} ß.
trochisc. alhand. \mathfrak{g} iij. *resin. gialap.* \mathfrak{g} iv.
 $\circ\circ$ l. *sassaf.* gtt. j. M.F. c. *elix. ceph.* l. a. *Pilulæ*
inaur. S. Purgierpillen.

Rx. *extr. catbol. Andernac. MP. coch.* a. \mathfrak{g} iix.
scamm. Arat. \mathfrak{z} ii dulc. a. \mathfrak{g} iv. M.F. c. *eff. succin.* l. a.
Pilulæ. S. u. f.

SV DORIFERA & DIAPHORETICA, cerebro molestant
 exhaurientia humiditatem, siccitatemque moderatam conferen-
 tia, non omittenda.

Rx. *C. C. philos. ppt. bezoard. Dar.* a. \mathfrak{z} ß.
 Θ *viper. rectific.* gr. iij. *ambr.* gr. ij.
elæosacch. citr. ether. gr. v. M.F. pulu.
 S. zertheilend Hauptpulverlein.

Rx. \sim us *C. C. succinat. M. S. alb. rectific.* a. \mathfrak{z} j.
elix. cephal. \mathfrak{z} j. M. S. Schweißwässerlein.

DIVRETICA demum, si, teste *Helmontio*, obesitatem abi-
 gere possunt, multo magis frigidos & humidos excremen-
 titios succos alterando, fundendo & liquando expurgabunt, non
 aliter, ac gutturnio elicita aqua ad ima a superis partibus inui-
 saturo.

Rx. \mathfrak{z} ri

DE ÆGRO MEM. DEBILIT. LABORANTE. 13

Rx. Fri Olar. Dar. succin. alb. ppt. a. 3ß.
magist. lap. S . sem. lycopod. a. g. vj. M.
Rx. essent. Sii Fris . 3ij. O cubeb. citr. ver. a. gtt. iij.
M. D. in vitr. S. *Resolvir und Stärck Essent.*

APOPHLEGMATISMI in specie caput dephlegmant, studiose quoque frequentandi. Vtut vero non de nihilo sit hanc in rem *apopblegmatus Laurembergii ex nicotiana*, ac-
cessionem *radicis pyrethri*, *masliche*, *zinziberis*, cum melle in globulos redacta, qui detenti in ore pituitam detrahunt; videntur tamen alii commodiores, ex *masliche*, *caryophyllis*, *cubebis*, *cardamomo*, *ambra*, *terra Iaponica* &c. parati. Hi enim & ore versari, cum lymphæ salivalis profectione e suis canaliculis, possunt commode, & deglutiri omnino, roborantes simul.

STERNUTATORIA, vel ERRHINA potius, ex fl. lil. conual. *nicotiana* correctâ & præparata, cum *ambra*, O *maioran. melisse* veris, aliisque, frigidos humores euocare & caput roborare apta nata sunt. Tacemus GARGARISMATA e ca-
lidioribus paulo præparata ipsa.

ALTERANTIA & ROBORANTIA specifica, mirificæ in lymphæ coagula & torporem spirituum animositatis, interne & externe nondum adultum satis ingenii robur firmabunt.

Drexelius part. 1. c. 5. Aurifodin. meminit, Delrium singulis diebus mane intinctum vino panem modice sumpsisse, & hinc memoria diuina præditum. Si idem obseruauerit loco ebriosæ vini insanix æger, spes est, quod antea corruptit vinum, ita leporem additurum.

Rx. elix. cephal. c. u *meliss.* parat. 3iij.
ess. ambr. 3ß. *cardamom.* 3j. D. ad vitr. S.

Stärckende Hauptmixtur.

Rx. O *Sophor.* *Dorncrell.* 3vj. u *magnan. comp.*
Lauremb. 3ß. ess. *meliss.* *anthos* a. 3j.
sirup. de beton. gr. kerm. a. 3ij.
M. S. Stärckwasser/ein Löffel voll auf einmahl.

R^x *ess. ligni al. elix. cephal. Mich. a. 3ij.*

℞ *mac. gtt. ij. M. D. in vitr.*

R^x *formit. comp. 3ij. Ol. cepb. 3j.*

essent. succin. ambrat. 3℔. M. D. in vitr. S. u. s.

Spiritus magnanimitatis comp. *Laurembergii* hic est: R^x *herb. basil. maiar. salv. meliss. puleg. a. m℔. fl. borag. salv. prim. ver. rosmar. lil. conuall. a. p℔. Macerentur in Vi maluat. R^x huius Vi partem, & in vitrum inde, quod in nidum formicarum pone, vt irrepant collecti odore manipuli iv. vel v. quas bacillo ligneo commoue, vt omnes suffocentur. Affunde partem reliquam Vi, & expone ad digestionem in sole per xiv. dies, hinc Qlentur, & add. *confect. anacard cinam. a. 3j. croc. 3℔. mosch. gr. xij.* quibus omnibus mistis perfectus est *uus magnanimitatis*. De hoc cochl. j. ieiuno stomacho in bono haustu vini assumatur, & aliquoties repetatur, interpositis aliquot diebus.*

R^x *conf. flor. lauend. sala. meliss. antb. a. 3℔.*

specier. diamb. diamosch. d. a. 3j.

confect. alkerm. 3ij. margarit. ppt. 3j.

smaragd. ppt. 3℔. ambr. gryf. 3℔. mosch. gr. iij.

uus rosar. lil. conuall. a. 3j.

sir. condit. cort. citr. q. s. M. D. in pyx. S. Pöst-

liche Stärcf. Lattweg.

Cumque decantatissima sit ad memoriam augendam *confectio anacardina*, ita vt *confectio Sophorum* intituatur, operæ pretium est, quid de ea sentiamus, ægro exponere. Obiicitur caliditas nimia anacardiorum, quod sanguinem adurant, & sic cis illis vtantur Indi loco caustici aut ruptorii contra strumas, ab eius usu hunc maniacum factum, alterum continua siti misere periisse, vnde a *Casp. Hoffmanno* *confectio* potius stultorum appellatur.

Ast apud nos tanta non est anacardiorum caliditas, nec abusus tollit usum. Negari nequit, esse remedium, vt recte notant Augustani, frigidis & humidis cerebri affectibus dicacum, modo recte vtentem inueniat, bene gnarum suæ tempe-

riei cerebrialis, nec excedentem. Præstat reformata uti, & per se & cum aliis mixta. Gaudet memoria siccitate, sed nimia identidem perditur.

℞ spec. diamarg. cal. diaxyloal. a. ʒj.
extr. agalloeb. ʒj. confect. alkerm. ʒij.
rhur. cubeb. a. ʒß. ambr. gryf. ʒß.
℞ cinam. gtt. iij. sacch. in ▽ meliss. q. s. sol.
ʒiv. M. F. l. a. Rotulæ.

Tacemus vinum medicatum ex supra dictis sub præparantibus speciebus, vel aliis, cerebrum calore suo irradiare, tragemata item varia roborantia, & alia. Cætera enim, quæ vel ex muneribus trium magorum a *Marsilio Ficino*, vel ex aliis pro arcanis æstimantur & vulgo dilaudantur, promissionibus quidem magnificis, effectibus vero aliquando nullis, aliquando valde exiguis pollent. Quorsum & cor mustelæ aliorumque a *Cornel. Agrippa l. 1. c. 21. l. de occult. philos.* commendatum referri meretur.

EXTERNÆ his succenturiantur, bregmati, qui locus magis perspirabilis est, circa tempora, & naribus applicata. Excellunt inter hæc ex *lauendula* ac *spica nardi* parata, essentia v. g. florum horum vertici applicata, quod non sine emolumento fieri potest, citra metum alicuius noxæ, semel vel bis per hebdomadem. Oleum quoque eiusdem verum & balsamum laudari merentur.

Lotiones capitis minus quidem fauent memoriæ robori, imprimis crebriores, cum via sicca in eruditis magis repurgari gestiant capilli, interim tamen & alterata cephalicis plantis lixiua adhiberi possunt.

℞ herb. maior. meliss. origan. pol. mont. fol. laur.
a. mj.

fl. lauend. lil. conuall. stoebad arab. æ. pij.

Concis. gr. m. leniter ebulliant cum ▽ s. add. vin. lbj.
Abluatur caput, & interpositis aliquot diebus repetatur.

Lixinium etiam *sapientia Myns.* item *Philippo Melanchthoni* tributum magnopere commendatur, si moderato adhibeatur usu.

℞. fl.

Rx. fl. spic. celt. lauend. ros. rosmar. rad. irid.
Fl. a. q. s.

Concisa & sacculo lineo inclusa in lixiuio per vnam vel alteram horam ante lotionem capitis infundantur.

Balsamum *mnemocephalicum* a *Schroedero* descriptum. *Pharmacop. libr. 2. c. 41 pag. 177.* tantæ efficaciam esse scribitur, ut perpetuam rerum memoriam pariat. *Fel perdicis* semel in mense temporibus inunctum pro arcano habetur quibusdam. *Rhases* & alii linguam viperae gestatam pro amuleto commendant, quod obliuionem tollere credunt. Ast nec ratio, nec experientia succinunt, vnde illis non inhærebimus.

Odorata, cum immediatum cum spiritibus habeant contactum, sedulo externe inspirentur.

Rx storac. calamit. expr. ʒß. agalloch. ʒß.
mosch. ambr. a. gr. vj. benzoës ʒj.
O cinam. lauendul. a. gtt. ij. bals. Peruu. q. s.

M. F. globul. inuoluantur bombaci, & thecis argenteis perforatis habeantur ad manus. Reliqui ad eundem vsus vel ad suffimentum parandum adseruentur.

Cucupha roborans, e speciebus cephalicis apparata, gestari potest:

Rx herb. lauend. meliss. mari ver. basilic. a. ʒij.
fl. rosar. rubr. spic. nard. til. a. pij.
rad. ir. Flor. lign. rhod. agalloch. a. ʒj.
benz. succin. alb. opobals. thymiam. a. ʒß.
mosch. gr. iij. O ros. gtt. ij. M. cum sind. rubr.
Fiat l. a. cucupha.

His obseruatis restat DIÆTA, seu ipsius ægri regimen. Si enim morbum profligi velit æger, utique medico consentire & contra morbum stare debet.

Non erit de nihilo, diætæ præcepta quædam generalia prætexere, multum custodem & thesaurum rerum memoriam adiutura. Primum obseruet æger, ut multum non multa legat. Non prodest cibus, nec corpori accedit, qui statim sumptus e-

mitti-

mittitur, seu non qui ingeritur, sed qui concoquitur; ita animum nutriunt, & vt *Plato* loquitur, scientiis grauidum faciunt, non illa quæ quis legerit, sed quæ quis diligenti meditatione in succum & sanguinem verterit. Hoc autem non fit confertim & subito, sed sensim & cum aliqua mora.

Qui simul omnia volunt & affectant, pulcherrime a *Polybio* gulosis & imminentibus consuiarum comparantur. Nam & illi omnia quæ apposita sunt gustantes, neque in presentia vere fruuntur villo ciborum, neque in posterum digerunt satis, aut vtiliter iis nutriuntur.

Sæpe recordari, medicamine fortius omni.

Deinde non terreat eundem obliuiosum ingenium, non desperet nec dubitet progredi, sed ordine conciso, quæ memoranda sunt, legat, lecta repetat, repetita recordetur, & quæ recordatus est intime sibi imprimat. Multa sunt, in quibus pertinacia impedimentum omne transcendit, ostenditque nihil esse difficile, cuius sibi ipsa mens patientiam indicit. Non vero anxio studio nimiam præuertat moram, sed pedetentim & gradatim progrediatur, in ipso otio negotiosus, & in negotio otiosus. Ordine nihil ad studia proficuum magis, nihil confusione exitiosius.

Varietatem iucundam non damnamus, sed inordinatum & præposterum studium. Vanissimum prouerbum esse putes, (ait *Besold. in append. axiom. polit.*) in omnibus aliquid, & de toto nihil: nam qui non est in omnibus aliquid, in singulis est nihil. In omnibus valet *Pergameni* assertio, memoriam rerum, quæ sensibus nostris patent, assiduam requirere consuetudinem.

Tandem quauis peste peiorem, seu cane peius & angue deuilet *Φιλαυτία*. Quo die enim sibi quis incepit persuadere, se eruditum esse, eo die incipiat desperare, se eruditum vnamquam fore. Nosse morbum & hoc loco pars curationis fuerit.

IN DIÆTA VITALI CIBVS quantitate continua & discreta, prægressa leui exercitatione, non peccet excessu vel
C. defec-

Wann mit Herrn Wedels Lehr der Fleiß vereinigt
ist /

So kan man anders nichts als solche Früchte sehen /
Denn sich Hygiene freut / und auch wohl möcht geschehen /
Daß Sie in kurzer Zeit Ihn selbst als Doctor küßt.
Dieses sehet und wünschet aus Obliegenheit

JOH. JVSTVS Braun / Moeno - Francof.
J. V. Stud.

Dum doctè exponis nigrantia flumina Lethes,
Auguror, à doctis candida signa feres.
Efficiet Numen, cui sunt Tua studia grata,
Vt semper crescat laus Tibi, fama, decus.

*Nobilissimo DN. CANDIDATO, Fautori atque Amico
suo estimatissimo, gratulabundus adposuit*

JOH. GEORG. Heintzenberg / Grünstad. Palat.

Te non incassum tempus trivisse, peritum
Approbat hoc specimen, *dulcis Amice*, tuum.
Sic pergas, omnino mori Te Musa vetabit,
Et Te perpetuus condecorabit honos.

*Clarissimo DN. RESPONDENTI, Amico & Con-
tubernali suavissimo, cum voto
scribebat*

G. L. Schröder / LL. Stud. Using. Nass.

Dogmata Pæoniæ Te prompta mente notasse
Artis, testatur pagina, *AMICE*, Tua.
Tum Tibi, tum Patriæ, tum docto proderis orbi,
Si, quo cœpisti, pergere more lubet.

*Ita Nobilissimo DN. RESPONDENTI, Amico & Con-
terraneo suo estimatissimo, applau-
dere volui*

PHIL. GEORG. Huth / Med. Stud.